


doc for 文  
入駐商  
在文川網搜  
古籍書城 获取更多電子

中國方志叢書·華中地方·第二七號

據清·陳作霖編輯  
清·光緒三十三年刊本  
影印

江蘇省

金陵通紀



成文出版社有限公司印行

中國方志叢書·華中地方·第二七號

據

清·陳霖編  
光緒三十三年刊本

影印

江蘇省

# 金陵通紀



成文出版社有限公司印行



\*10096464\*

中華民國五十九年八月壹一版

# 金陵通紀

全二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书

金陵題詞

朱孔彰署檢



光緒丁未年  
瑞華館彙印

國朝金陵通紀

江寧司馬允寬題

光緒丁未年  
瑞華館棊印



凡例

實錄所載不專建康義在夸張事兼南史茲編體例專主謹嚴疆域攸分不敢濫及

日食星變概從闕略惟事涉江表乃牽連得書或詳或否義各有屬

丹溧二邑境連宣州歷陽涂中江浦得半犬牙交錯莫爲丈量至到小乖在所不免閱者諒之

八代諸君建儲立后下逮百職國政朝章非繫地輿不輕泚筆漏略之謂甘之不辭

典關建業無年可編其事其人以類相附建康實錄例也亦腐史合傳體也  
楊吳南唐一方偏霸改元紀號不繫中原名從主人有春秋之例在

The image shows a large rectangular area with a thick black border. Inside this area, there are several vertical lines that divide the space into columns. The lines are evenly spaced and run from the top to the bottom of the rectangle. The background within the rectangle is white, and there is no text or other content. This appears to be a blank ledger page or a placeholder for a table.

敘

孟子言王豹綿駒之變俗記亦言紫綺之尚由於人豈不信然不誣乎李唐以來憑弔往昔僮侗曰六朝詞章人語爾夫吳自武烈開基忠勤威略赫赫於宇內崇文召賢鼎立蜀魏歷世六七風尚未有牀第之失晉之東謝安始以風流扇俗忘其端揜具瞻之尊當基功之慘而妓女絲竹不改其素歐陽公所謂知勇困於所溺安之謂矣其下化之子夜讀曲矢詞尤猥褻由是言俗之不良者指目六朝而以秦淮爲桑濮數千年來人士委靡若廢疾之不能振非安有以作之俑哉吾友陳君雨生以所纂金陵通紀畧吾吾聞之羿之射有的秋之奕也有道輸之削必有定矩曠之操七絃也必有旋宮之調陳君之纂此書非漫然無所指明矣其書上述遼古下迄殘明甄列史之關乎金陵者備列之不淨譽不隱惡固卓然良史之盛軌矣且於謝傅事不多摺拾獨詳載郡中豐歉憂樂之繇寇亂時諸軍屯戍之地措置先後得失之機後世可奉爲鑒戒最後乃以錢謙益阮大鍼收其禍末亦可以見古昔是非之有定矣夫寇盜侵軼三代

盛時所不免水土柔脆非能用武士果剛節槩崇禮法屏浮蕩勤研乎史籍而  
以謝安錢阮之行爲大恥吳志所書士衡所論不難復覩此則陳君是書之大  
旨歟光緒六年歲次庚辰五月望日汪士鐸撰

江甯陳作霖伯雨編輯

黃帝受命披山通道乃推分星野自斗三度至女一度為江南

高辛之世有展上公者居句曲嘗於伏龍地植李後相傳成道去今茅山王晨觀祀之

堯授舜政肇十有二州地屬揚域

夏禹周行天下至江南登茅山以朝四方羣臣

殷祖甲二十八祀周泰伯以采藥來居句曲山中後入吳

周武王十三年大封諸侯以江南地畀周章是為吳國

孝王十三年大霸江凍

靈王二年楚公子嬰齊伐吳克鳩茲至於衡山今名橫山在江甯縣東南

十三年楚師於棠以伐吳棠今六合縣

景王七年楚伐吳圍朱方遂滅賴使鬬韋龜與公子棄疾城之欲以遷許後楚

又與吳戰陷吳固城吳乃移濼渚於陵平山下改邑曰陵平賴固城濼渚陵平皆在今溧水高淳

十七年楚亂許圍蔡消等與越常壽邊圍固城克息舟城而居之是年楚子居  
立使蘇迺為將敗吳軍以吳陵平為平陵邑

敬王八年楚殺其大夫伍奢及其子棠君尙次子員奔逃彙載而出昭關至江

上漁父渡之夜行晝伏過溧水乞食於擊綿女子遂入吳

十四年吳伍員伐楚開瀆以通漕運在今高溧縣境破固城焚其宮室還過溧水投金

於瀨以報女子之德

二十四年吳子闔閭卒夫差立承先世之霸業因山鑄冶立冶城後又築梧宮

於句曲山與西子避暑居之

四十年楚公子申公子結伐吳及桐汭在今高溧境時孔子設教於魯吳人言偃

從游學成告歸居句曲今地名其後又有江東野臂子弓受易商瞿為孔子再

傳弟子今江浦多弓氏皆其後裔也是為聖道南行之始

元王四年越滅吳范蠡築城於長干以圖楚今名越城

安王二十三年越遷於長干

二十六年越太子諸咎弑其君翳葬諸大橫山之下越人旋殺諸咎立乎錯枝為君

顯王三十六年楚滅越盡有吳故地因山立號置金陵邑建康實錄云地接華陽金壇之陵故曰金陵

或曰以地有王氣楚王埋金以鎮之金陵之名實始於此

秦始皇帝二十四年滅楚二十六年并天下分三十六郡以金陵地屬鄣郡改

平陵邑為溧陽縣其江北棠邑隸九江郡

二十七年詔役赭衣三千人開馳道在今上元句容縣境

三十六年帝東巡會稽過丹陽即今小丹陽在江甯縣境至錢唐還從江乘浦渡江遂置江

乘縣今講為江城在上元句容縣界又以望氣者言金陵有天子氣乃鑿鍾阜斷長隴以通流

水自方山西北巨流環繞至石頭以達於江即今秦淮改金陵為秣陵縣是時有方士周太賓及巴陵

侯姜叔茂往來茅山下種五辛菜今地名姜巴路者是也未幾茅盈兄弟來居華陽遂分

掌焉今謂之三茅峯

二世皇帝元年陳涉兵起今葛嬰徇地至東城立襄彊爲楚王尋殺之東城在今江浦境

子嬰元年項籍滅秦江南北地皆爲楚境立英布爲九江王鄣郡棠邑悉屬焉漢高帝三年九江王布以國歸漢

五年冬十二月漢軍追項籍至陰陵籍迷失道陷大澤中乃復引兵而東至東城僅餘二十八騎漢騎追者數千人籍自度不得脫乃分其騎爲四隊令四面馳下期山東爲三處於時漢軍圍之數重籍大呼馳下斬漢一將與其騎會漢軍不知籍所在分軍爲三復圍之籍馳斬漢一都尉殺數十百人復聚其騎亡兩騎耳乃東走欲渡江烏江亭長檣船以待曰江東雖小地方千里亦足王也願大王急渡今獨臣有船漢軍至無以渡籍笑曰天之亡我我何渡爲且籍與江東子弟八千人渡江而西今無一人還縱江東父老憐而王我我何面目見之乃以所乘騅馬賜亭長令騎皆下馬步行持短兵接戰獨籍所殺漢軍數百人身亦被十餘創遂自刎而死漢將王翳取其頭楊喜呂馬童呂勝楊武各得



其一體故五人皆封列侯楚地悉定以江南北地封韓信為楚王陔餘叢考今江浦界

六年帝巡雲夢執楚王信歸以楚地分立劉賈為荆王鄣郡屬焉是冬封功

臣陳嬰為堂邑侯堂邑即棠邑

十一年淮南王布反賈為布軍所殺立兄子濞為吳王荆故地鄣郡更屬吳

惠帝五年夏旱江竭

呂后三年夏江溢八年夏江又溢

景帝三年吳王濞反濞當文帝時驕蹇不朝大興鼓鑄置冶於江上日益富饒

即今治山浦至是率兵而西為將軍周亞夫所敗奔歸丹陽保秣陵之越城復

走丹徒東甌王誘殺之

四年徙汝南王非為江都王治吳故地

武帝元光六年析秣陵地封宗室黨為句容侯

元朔元年江都易王非薨子建嗣推恩分封王子敢為丹陽侯胥行為胡孰侯

docsriver 文川网  
入驻商家 古籍书城

在文川网搜索古籍书城 获取更多电子书

纏爲秣陵侯尋皆薨國除

元狩二年江都王建有罪自殺地盡入於漢

元鼎元年以堂邑縣屬臨淮郡

二年詔以江南水潦振救飢民

元封二年更鄣郡爲丹陽郡秣陵胡孰江乘句容溧陽丹陽皆隸焉又析溧陽

南置永平亭廢

五年置十三部刺史而丹陽郡屬揚州臨淮郡屬徐州

宣帝本始四年以黃霸爲揚州刺史三歲遷何武代之

新莽始建國元年更定郡縣名改江乘曰相武秣陵曰宣亭以堂邑縣隸淮平

郡

地皇三年遣使者章邕賫黃金百鎰銅鐘五枚贈於句曲三仙君

東漢光武建武三年遣積弩將軍傅俊將兵徇江東揚州悉定郡縣名皆復舊

堂邑改屬廣陵郡胡孰爲侯國

四年遣揚武將軍馬成發丹陽九江等郡兵擊李憲

五年徵處士嚴光光高尙不仕嘗結廬於東廬山

在今溧水境

六年李忠爲丹陽太守起學校習禮容春秋鄉飲選用明經繼之者爲任光墾田增多流民復業時鮑永爲揚州牧南土尙多寇暴永誅鋏強橫鎮撫其餘百姓安之又堂邑令鍾離意多善政縣人防廣爲父報仇繫獄母死廣哭泣不食意聽歸家殯斂事畢還獄意密以聞竟得減死論

明帝永平十二年堂邑旱

章帝建初中張禹爲揚州刺史嘗過江按部中土民皆以江有子胥神難涉禹將渡吏固請禹厲言曰子胥如有靈知我志在理察枉訟豈危我哉遂鼓楫而進歷行郡邑深幽之處莫不畢到親錄囚徒多所明舉民皆喜悅

安帝永初七年詔調丹陽等郡租米振給南陽廣陵下邳彭城山陽廬江九江飢民

延光二年秋七月丹陽山崩

順帝陽嘉元年揚州六郡妖賊章河等寇四十九縣殺傷長吏

漢安二年冬十二月揚徐盜賊攻燒城寺殺略吏民

建康元年秋八月揚徐盜賊范容周生等寇略城邑御史中丞馮赦督州郡兵

討之九月揚州刺史尹耀攻賊於歷陽敗沒

歷陽鎬今江浦縣境

沖帝永嘉元年春正月廣陵賊張嬰復反殺堂邑長是時九江賊徐鳳等亦攻

殺東城長三月九江都尉討范容周生等破斬之夏四月丹陽賊陸宮等圍城

燒亭寺丹陽太守江漢擊破之五月下邳人謝安應募斬徐鳳等冬十一月中

郎將滕撫討平張嬰歷陽賊華孟自稱黑帝撫又擊斬之

桓帝建和元年揚州饑遣四府椽分行振給

靈帝中平中大將軍何進遣都尉母邱毅募丹陽兵

獻帝初平元年山東諸將討董卓奮武將軍曹操與夏侯惇詣揚州募兵揚州

刺史陳溫丹陽太守周昕與兵五千人

三年袁術自爲揚州刺史使吳景領丹陽太守攻周昕奪其兵以孫賁爲丹陽

都尉按丹陽時寄治曲阿

興平元年新除揚州刺史劉繇逐吳景居曲阿景與孫賁退屯歷陽繇遣樊能于糜屯橫江張英屯當利口以拒之

二年袁術表孫策爲折衝校尉行殄虜將軍將兵助其舅吳景卒才千餘馬數十匹行收兵比至歷陽眾五六千時周瑜從父尙爲丹陽太守瑜將兵迎策仍助以資糧策大喜進攻橫江當利拔之又克牛渚盡得邸閣糧穀戰具彭城相薛禮據秣陵城下邳相笮融屯縣南皆依劉繇爲盟主策帥周瑜呂範等先攻融斬首五百餘級融閉門不出因攻禮禮突走復下攻融爲流矢所中傷股還牛渚營誘賊入伏大破之融更深溝高壘繕治守備策以融所屯地勢險固乃舍去由小丹陽轉攻湖孰江乘皆下之以呂範爲湖孰相從定秣陵融因殺禮併其眾奔豫章策年甚少雖有位號而士民皆呼爲孫郎百姓聞孫郎名皆喪魂魄及至軍士奉令不敢虜略雞犬菜茹一無所犯民乃大悅競以牛酒勞軍既破劉繇入曲阿轉戰而東遂盡有江表之地復以吳景爲丹陽太守

時丹陽疑治宛

而自領會稽後五年爲盜所戕弟權嗣屯吳

建安元年江淮饑人相食

三年東城長魯肅棄官奔吳

十三年曹操降荊州南臨江江東大震左將軍劉備屯夏口使其臣諸葛亮詣權亮過秣陵因駐馬以觀形勢曰鍾山龍蟠石頭虎踞帝王之都也俄聞赤壁捷解嚴

十六年孫權自京口徙治秣陵先是長史張紘謂權曰秣陵楚武王所置名爲金陵地勢岡阜連石頭訪問故老云昔秦始皇東巡會稽過此縣望氣者云金陵地形有王者都邑之氣故掘斷連岡改名秣陵今處所具存地有其氣天之所命宜爲都邑權善其議未能從也會劉備之東宿於秣陵周觀地形亦勸權都之權曰智者意同遂都焉改秣陵爲建業又念兄策功作廟於朱雀橋南省湖孰江乘爲典農都尉

十七年城石頭權以秣陵有小江百餘里可以安大船時方理水軍因移據之

而於江岸必爭之地築是城焉又沿淮築隄曰橫塘夾淮立柵曰柵塘自石頭城南十里至沓浦又南十里至新亭又十里至新林又十里至板橋又二十里至烈洲置烽火於石頭城南自建業至江陵五千七百里有警急一日而達

二十四年封孫皎子胤為丹陽侯

二十五年權徙都武昌拜呂範為建武將軍領丹陽太守使鎮建業景定志範鎮建業在

二十四年權襲荊州時據三國呂範傳正之又志於是年載丹陽太守孫翊被殺事按時丹陽郡猶治宛陵故不錄是歲建業言甘露降

二十六年吳徙丹陽郡治建業魏篡漢冊命權為吳王

吳大帝黃武元年置揚州牧以呂範為之使征東將軍高瑀領丹陽太守 改

鍾山為蔣山先是有秣陵尉蔣子文於漢末時逐賊死於此同死者弟子緒妹

小姑至是吳王以祖諱鍾因姓是山為蔣焉

二年徙丹陽郡治蕪湖分溧陽置永安縣尋改永平

三年秋魏師出廣陵安東將軍徐盛建計植木衣葦為疑城假樓自石頭至江



乘船起相獲一夕而成又大浮舟艦於江魏人望之愕退 以朱據為建議校尉領兵屯湖孰

四年顧雍為丞相不許江邊諸將掩襲 秋地連震

七年揚州牧呂範卒葬於建業王後每過其墓必呼日子衡祀以太牢

黃龍元年夏四月丙申吳王即皇帝位於武昌秋九月還都建業即長沙桓王叔府居之名太初宮

二年詔立都講祭酒以教學諸子

三年夏五月有野蠶感繭大如卵

嘉禾元年春正月太子登因弟建昌侯慮卒自武昌歸省及賴鄉自聞帝即時召見悲泣登請留建業許之

二年帝征魏使太子登留守時年穀不登頗有盜賊登表定科令所以防禦深得止姦之要 秋九月隕霜殺穀 是年右將軍潘璋卒子平以無行徙會稽妻居建業賜田宅終其身

四年秋七月雨雪又隕霜

五年春立錢監鑄大錢一當五百

文曰大泉五百徑一寸三分重十二銖

三月輔吳將軍張昭

卒昭自黃龍初以老病乞休里宅無事

在今下浮橋南名婁侯橋

著春秋左氏傳解及論語

注又嘗引湖水以溉田以其封婁侯人謂之婁湖

在今南城東隅上人譌其聲曰老虎頭

夏大

旱

六年冬十二月赤烏集殿前詔改明年元以紀瑞

赤烏元年春鑄當千大錢

徑一寸四分重十六銖

秋夫人步氏卒追贈皇后葬於陵

二年立洞舂觀於方山時帝頗好道術有葛舂者嘗與遊處或止石頭四望山

所一日從帝至洲洲

在江中

遇大風船沒帝甚悵恨明日卒步從水上來衣履不

沾而有酒色云為伍子胥邀飲又嘗醉臥門前陂水中竟日醒乃止帝以為神

因立觀以居之

三年夏四月始治城郭起樓穿塹以備非常 冬十一月民饑詔開倉廩以振

貧窮 十二月使左臺御史郝儉鑿城西南為運瀆

自秦淮北抵苑城以達於倉

四年春正月大雪平地深三尺鳥獸死者大半夏五月太子登薨初葬句容

置園邑奉守如法後三年改葬蔣陵是年鑿青溪塹湖溝青溪鑿東渠而成

洩後湖之水達於秦淮又開湖溝以引江湖今皆有遺址可辨

五年夏四月旱禁進獻御減太官膳是年大疫

七年扶南獻樂人置扶南署以習樂帝寢疾遣太子和禱長沙桓王廟太子

如叔父張休居近廟邀太子過所居帝長女全公主覘得之因加譖毀帝怒

八年夏五月雷霆犯宮門柱又擊南津大橋楹秋七月將軍馬茂謀伺帝在

苑中與公卿諸將射引兵擊帝使其黨兼符節令朱貞等分據宮中及石頭塢

事覺誅之八月遣校尉陳勳將屯田及作士三萬人於方山南截淮立埭方

山埭又鑿句容中道自小其地即被至雲陽西城通會市作邸閣

九年秋詔罷大錢

十年春二月帝適南宮詔曰建業宮乃朕從京來所作將軍府寺耳材柱率細

皆已腐朽常恐損壞今未復西可徙武昌宮材瓦更繕治之有司以材不堪用

請更伐致帝曰大禹以卑宮爲美今軍事未已所在多賦若更通伐妨損農桑  
武昌材瓦自可用也三月改作太初宮諸將及州郡皆義作 夏帝欲伐魏大  
發眾集建業旣而罷之 是歲胡人康僧會入境置經行所帝引見具言佛教  
滅度已久惟有舍利可以求請遂於大內立壇結靜三七日得之帝由是崇佛  
道復卽壇所立建初寺江東有佛寺自此始

十一年春二月地仍震 三月新宮成周迴四百丈正殿曰神龍南面開五門  
東門曰蒼龍西門曰白虎北門曰玄武又曰公車曰昇賢曰明揚曰左掖曰右掖

於宮中起臨海赤烏等殿鸞綺臨砌等門 夏四月雨雹

十二年夏四月有兩鳥銜鵲墮東館驃騎將軍領丞相朱據燎鵲以祭

十三年秋八月丹陽句容諸山崩鴻水溢詔原逋責給貸糧食 帝入全公主

譖將廢太子和先幽閉之於是朱據與尙書僕射屈晃等泥頭自縛詣闕求解

帝登白爵觀望見大怒牽入殿各杖一百竟廢和遷故鄣亦賜魯王霸死以其

謀奪嫡也流竊黨楊竺尸於江 是年作堂邑涂塘欲以淹北道

太元元年夏五月帝遣中書郎李崇齋輔國將軍羅陽王印迎羅陽神王表秋

七月崇與表至爲立第於蒼龍門外表說水旱小事往往有驗 秋八月朔大風拔樹三千排石碑撼動江海涌溢水深八尺右將軍呂據取大船以備宮內帝喜中書丞華覈奏樹拔碑動爲役繁賦重所致不省 冬十一月帝祭南郊於秣陵南還寢疾十二月詔省繇役減征賦除民所患苦 時有於山中得銅匣長二尺七寸以琉璃爲蓋又一白玉如意所執處皆刻龍虎及蟬形莫有識者帝以問胡綜綜曰昔秦始皇以金陵有天子氣平諸山阜處處輒埋寶物以當王氣此蓋是乎

神鳳元年春二月帝大漸諸將吏數詣王表請福表亡去夏四月帝殂太子亮即位

少帝建興元年卽神鳳元年閏月以諸葛恪爲太傅輔政 秋七月葬大皇帝於蔣

陵 九月桃李花開 冬十二月丙申大風雷電 是歲諸葛恪敗魏兵於東吳獲叛將韓綜送其首以白大帝廟

二年春二月進封諸葛恪陽都侯加荆揚州牧督中外諸軍事欲復伐魏丹陽

太守薛友以書諫不聽以太常滕胤爲都下督掌留事已而圍新城不克將軍  
朱異以軍事忤恪恪奪其兵斥還建業秋八月恪至自新城陳兵導從歸入府  
館愆治威嚴冬十月武衛將軍孫峻因人情多怨構恪欲爲變與帝謀置酒請  
恪時恪家多變怪出拜蔣陵有白虹繞其車及將見駐車宮門峻已伏兵於帷  
中恐恪不時入事泄自出迎恪恪不疑遂入劍履上殿進謝還坐酒數行帝入  
內峻起如廁解長衣著短服出曰有詔收諸葛恪恪驚起拔劍未得而峻刀交  
下散騎常侍張約恪黨也從旁斫峻裁傷左手峻應手斫約斷右臂武衛之士  
皆趨上殿峻曰所取者恪也今已死悉令復刃乃除地更飲恪二子竦建聞難  
載其母南走峻遣騎督劉丞追及於白都殺之以羣席裹恪尸茂束屨投之石  
子岡先是童謠曰諸葛恪蘆葦單衣茂鈎落於何相求成子閣成子閣反語石  
子岡也鈎落者校飾革帶世謂之鈎落帶至是果驗峻遂代爲丞相

五鳳元年夏大水

二年夏大旱 冬十一月作太廟

亮傳注引吳歷云太平元年正月爲權立廟稱太祖廟當卽此

docsriver 文川网  
入驻商家 古籍书城

在文川网搜索古籍书城 获取更多电子书

太平元年春二月朔建業火 秋八月孫峻遣驃騎將軍呂據等伐魏親饒之於石頭見據御軍嚴整心惡之稱疾去遂夢爲諸葛恪所擊九月丁亥卒以從弟繚爲侍中代輔政呂據聞之大怒欲還廢繚表薦滕胤爲丞相繚更以爲大司馬使鎮武昌促之去胤不從繚遂言胤反冬十月使將軍劉丞率騎圍胤或勸胤引兵至蒼龍門將士見公出必委繚就公時夜已半胤恃與呂據期又難舉兵向關乃約令部曲說呂侯在近道故皆爲胤盡死無離散者會大風比曉據不至繚兵大會遂殺胤孫憲等舟師亦獲據於新洲據自殺

孫憲在亮傳作憲在繚傳作處

二年春正月甲寅大雨震電乙卯雪大寒 夏四月帝臨正殿始親政事孫繚所奏多見難問又科兵子弟年十八以下十五以上得三千餘人選大將子弟年少有勇力爲之將帥日於苑中習焉

三年秋七月詔州郡伐宮材 自八月沈陰不雨四十餘日 孫繚專恣日甚稱疾不朝築室於朱雀橋南使弟威遠將軍據入蒼龍門宿衛武衛將軍恩偏將軍幹長水校尉闔分屯諸營欲以自固帝惡之與太常全尙將軍劉丞謀誅



繇全尙妻繇同堂姊也以謀告繇九月戊午繇以兵取尙遣弟恩殺劉丞於蒼龍門外比明遂圍宮帝大怒帶韃執弓欲出近臣共牽止之繇召大臣會宮門使光祿勳孟宗告太廟廢帝爲會稽王尙書桓彝不肯署名殺之己未使宗正孫楷與中書郎董朝迎琅邪王休於會稽徙全尙於零陵殺之繇以琅邪王未至欲入居宮中選曹郎虞汜責之而止

景帝永安元年

卽五鳳三年

冬十月戊寅琅邪王休至布塞亭繇遣弟恩行丞相事

率百僚以乘輿法駕迎於永昌亭築宮以武帳爲便殿設御坐己卯休至望便殿止住使孫楷先見恩楷還休乘輦進羣臣再拜稱臣休升便殿止東廂戶曹尙書前卽階下讚奏丞相奉璽符休三讓乃受羣臣以次奉引休就乘輿百官陪位繇以兵千人迎拜於牛野休下車答拜卽日御正殿大赦改元十一月甲午風四反五復蒙霧連日 孫繇一門五侯皆典禁兵權領人主有所陳述敬而不違於是益橫侮慢民神嘗燒大橋頭伍子胥廟又壞浮屠祠斬道人帝恐其有變陰與張布丁奉圖計欲於臘會取繇十二月丁卯建業中謠言明會